



মহাকাশদপ্তর

সাংবাদিকদের সামনে বিভিন্ন দফতরের বাজেট বরাদ্দ নিয়ে আলোচনা করলেন ডক্টর জিতেন্দ্র সিং

সাংবাদিক সম্মেলনে কর্মচারী ও প্রশিক্ষণ বিভাগের সচিব শ্রী পি.বি. শর্মা, প্রশাসনিক সংস্কার ও জন অভিযোগ বিভাগের সচিব শ্রী সি. বিশ্বনাথ, ডোনার সচিব শ্রী নবীন ভার্মা, মহাকাশ বিষয়ক বিভাগের সচিব শ্রী এ.এস. কিরণ কুমার, পরমাণু শক্তি বিভাগের সচিব ডক্টর শেখর বসু, উত্তর-পূর্বাঞ্চলীয় পরিষদ অর্থাৎ এন.ই.সি. সচিব শ্রীরাম মুইডা এবং অন্যান্য উচ্চপদস্থ আধিকারিকগণ উপস্থিত ছিলেন

Posted On: 08 FEB 2017 1:21PM by PIB Kolkata

উত্তর-পূর্বাঞ্চল উন্নয়ন মন্ত্রক (ডোনার)-এর স্বাধীন দায়িত্বপ্রাপ্ত প্রতিমন্ত্রী তথা প্রধানমন্ত্রীর দফতর, কর্মচারী বিষয়ক, জন-অভিযোগ, পেনশন, পরমাণু শক্তি ও মহাকাশ বিষয়ক মন্ত্রকের প্রতিমন্ত্রী ডক্টর জিতেন্দ্র সিং নয়া দিল্লিতে মঙ্গলবার সাংবাদিকদের সামনে বিভিন্ন দফতরের উদ্যোগ এবং এদের বাজেট বরাদ্দ নিয়ে আলোচনা করলেন।

এই সাংবাদিক সম্মেলনে কর্মচারী ও প্রশিক্ষণ বিভাগের সচিব শ্রী পি.বি. শর্মা, প্রশাসনিক সংস্কার ও জন অভিযোগ বিভাগের সচিব শ্রী সি. বিশ্বনাথ, ডোনার সচিব শ্রী নবীন ভার্মা, মহাকাশ বিষয়ক বিভাগের সচিব শ্রী এ.এস. কিরণ কুমার, পরমাণু শক্তি বিভাগের সচিব ডক্টর শেখর বসু, উত্তর-পূর্বাঞ্চলীয় পরিষদ অর্থাৎ এন.ই.সি. সচিব শ্রীরাম মুইডা এবং অন্যান্য উচ্চপদস্থ আধিকারিকগণ উপস্থিত ছিলেন।

সাংবাদিকদের কাছে আলোচনায় ডক্টর জিতেন্দ্র সিং বলেন, ডোনার মন্ত্রকের জন্য বাজেট বরাদ্দ ২০১৬-১৭ সালের ২৫২৪.৪২ কোটি টাকা থেকে ৬.২% বেড়ে ২৬৮২.৪৫ কোটি টাকা হয়েছে। তিনি আরও জানান যে, এন.ই.সি.-এর জন্য বরাদ্দ ৯২৫ কোটি টাকা স্থির করা হয়েছে, যা গত বছরের বরাদ্দ ৮০০ কোটি টাকা থেকে ১৫.৬৩% বেশি। মন্ত্রী বলেন, ২০১৭-১৮ সালের জন্য উত্তর-পূর্বাঞ্চলের ক্ষেত্রে ৫৫টি অ-অব্যাহতি মন্ত্রকের বাজেট বরাদ্দ হচ্ছে ৪৩,২৪৪.৬৪ কোটি টাকা। যা ২০১৬-১৭ সালের ৩২,১৮০.০৮ কোটি টাকা থেকে ৩৪.৩৮% বেশি।

কর্মচারী বিষয়ক, জন-অভিযোগ, পেনশন মন্ত্রকের সাফল্য সম্পর্কে আলোচনা করতে গিয়ে মন্ত্রী বলেন, ২০১৫ সালের মে মাসে শুরু হওয়া বিশেষ নিয়োগ প্রক্রিয়ায় “দিব্যাক্স জন”-দের ১৫৬৯৪টি শূন্যপদের ৮৩.৫০% পূরণ হয়েছে। তিনি আরও বলেন যে, সমস্ত গ্রুপ ‘সি’, ‘ডি’ এবং গ্রুপ ‘বি’ (নন-গেজেটেড) পদের নিয়োগের জন্য ২০১৬ সালের ১ জানুয়ারি থেকে সাফল্যের পদ্ধতিবদ্ধ করে দেওয়া হয়েছে। ২০১৬ সালের ২৮ অক্টোবর শুরু হওয়া এমপ্লয়িজ অনলাইন অ্যাপ-এর মাধ্যমে আধিকারিক, সাংবাদিক এবং সংশ্লিষ্ট সবাই উচ্চ-পদস্থ সরকারি কর্মচারীদের নিয়োগ ও পোস্টিং সম্পর্কে বাস্তব সময়ের ভিত্তিতে আপডেট থাকতে পারবেন। এম.এম.পি.-এর অধীনে কেন্দ্রীয় সরকারের মন্ত্রক/দফতরে ই-অফিস রূপায়ণ সম্পর্কে আলোচনা করতে গিয়ে তিনি বলেন, এখন পর্যন্ত ১১টি মন্ত্রক/দফতর সফলভাবে ই-অফিস রূপায়ণ করেছে এবং আরও ৫৫টি মন্ত্রক/দফতর আগামী ৩১ মার্চের (২০১৭) মধ্যে ই-অফিস রূপায়ণ করবে বলে আশা করা যাচ্ছে। অন্যদিকে ন্যূনতম মাসিক পেনশন সপ্তম সি.পি.সি.-তে ৩৫০০ টাকা থেকে বাড়িয়ে ৯০০০ টাকা করা হয়েছে।

মন্ত্রী বলেন, ভারত সরকারের পরমাণু শক্তি বিভাগের পৃষ্ঠপোষকতায় মুম্বাইয়ের টাটা মেমোরিয়াল সেন্টার ক্যান্সার হাসপাতাল শুধুমাত্র হাসপাতাল-নির্ভর বহুমুখী প্রি-পেইড “স্মার্টকার্ড”-এর মাধ্যমে ১০০% নগদহীন (ক্যাশলেস) বিনিময় অর্জন করতে পেরেছে। যা বিমুদ্রাকরণের সিদ্ধান্তের পর একডালো উদ্যোগ। তাছাড়া ভারতকে অর্গ্যানাইজেশন ফর নিউক্লিয়ার রিসার্চ (সি.ই.আর.এন.)-এর সহযোগী সদস্য করার জন্য ২০১৬ সালের ২১ নভেম্বর ভারত এবং সি.ই.আর.এন. যে একটি চুক্তি করেছে, তা নিয়েও তিনি সন্তোষ প্রকাশ করেন।

এই ব্রিফিং সেশনের পর হয় প্রশ্নোত্তর পর্ব, যেখানে মন্ত্রী এবং সচিবগণ সাংবাদিকদের বিভিন্ন প্রশ্নের উত্তর দেন।

(Release ID: 1482290) Visitor Counter : 6

Background release reference

উত্তর-পূর্বাঞ্চল উন্নয়ন মন্ত্রক (ডোনার)-এর স্বাধীন দায়িত্বপ্রাপ্ত প্রতিমন্ত্রী তথা প্রধানমন্ত্রীর দফতর, কর্মচারী বিষয়ক, জন-অভিযোগ, পেনশন, পরমাণু শক্তি ও মহাকাশ বিষয়ক মন্ত্রকের প্রতিমন্ত্রী ডক্টর জিতেন্দ্র সিং নয়া দিল্লিতে মঙ্গলবার সাংবাদিকদের সামনে বিভিন্ন দফতরের উদ্যোগ এবং এদের বাজেট বরাদ্দ নিয়ে আলোচনা করলেন।

